


UMURIMO UKOMOTSE KU RUKUNDO



Icyigisho cya 9 cyo ku wa 29 Kanama 2026

"Nabandikiye mfite
agahinda kenshi
n'umubabaro mwinshi wo
mu mutima, ndira
amarira menshi.
Icyakora si ukugira ngo
mbatere agahinda,
ahubwo ni ukugira ngo
mumenye uburyo
urukundo mbakunda
ruhebuje"
(2 Abakorinto 2:4)






Mu gihe twiga mu buryo bwimbitse urwandiko rwa kabiri Pawulo yandikiye Abakorinto, tubona ko intumwa ishishikajwe cyane n'imibereho myiza y'itorero.

Nubwo muri iyi si yuzuye ibyaha, gukurikiza inzira z'Imana bitigeze byoroha, mu kinyejana cya mbere ho kwiyita Umukristo byashoboraga gutera ingorane zikomeye.

Pawulo yateguriye itorero guhangana n'izo ngorane, zaba iz'imbere n'iziva hanze, kandi abigisha kuba itsinda ryuje ubumwe mu rukundo ruzira inarijye. Muri iyi nama, uyu munsu dushobora kwigiramo kuba "impumuro y'ubugingo itanga ubugingo" (2 Abakorinto 2:16).



Ihumure ry'Imana mu makuba



Ukwera n'ubunyangamugayo mu murimo



Kugendera mu bwenge



Kubabarirwa no gukomorerwa



Impumuro ya Kristo

Ihumure ry'Imana mu Makuba

"Iduhumuriza mu makuba yacu yose kugira ngo natwe tubone uko duhumuriza abari mu makuba yose, tubahumurisha ihumure twahawe n'Imana." (2 Abakorinto 1:4)

Urwandiko rwa Kabiri rw'Abakorinto ni rwo Pawulo avugamo byinshi ku ihumure. Itorero ryari riri mu bihe bigoye, kandi urwandiko rwa mbere Pawulo yabandikiye rwari rwarabashyize mu kababaro.

Ariko ako gahinda kari "ako mu buryo bw'Imana," kabatera kwihana (2 Abakorinto 7:10). Bityo, Pawulo ntashaka ko ako gahinda kabaganza, ahubwo yashakaga ko bahumurizwa.

Ihumure ry'Imana

Ritubohora ku bwoba

Ritwibutsa ibihe Imana yadufashijemo

Ridufasha kwihanganira imibabaro

Ritugeza ku gukura mu bya mwuka

Ridutera umwete wo gusabira abandi

Turahumurizanya kubw'uko twahumurijwe n'Imana

Na we ubwe yari yarahuye n'ibihe aho ubuzima bwe bwari mu kaga maze acika intege (2 Abakorinto 1:8–10). Ariko Imana iramuhumuriza, na we ni ko guha itorero iryo humure (2 Abakorinto 1:6).



UKWERA N'UBUNYANGAMUGAYO MU MURIMO

"Kwishima kwacu ni uku: ni ibyo umutima wacu uhana uhamya yuko ingeso twagiraga mu isi, kandi cyane cyane kuri mwe, ari ukwera no kutaryarya kuva ku Mana no kudakurikiza ubwenge bwa kavukire, ahubwo gukurikiza ubuntu bw'Imana" (2 Abakorinto 1:12)


Hari abantu bamwe basuzuguraga Pawulo, bamushinja ko ari umunyantega nke kandi adashikama ku byemezo (2 Abakorinto 10:10). Kubw'iyi mpamvu, kandi kugira ngo inama ze zakirwe kandi zemerwe, byari ngombwa ko intumwa yiregura kuri ibyo birego.

Nk'umuntu, yiyumvaga nk'utagira umumaro (Abefeso 3:8). Ariko, ku bw'ubuntu bw'Imana, yashoboraga kwirata ko afite umutimanama utamucira urubanza (2 Abakorinto 1:12).



Kubw'ibyo, inyandiko za Pawulo ntizari zifite imigambi ya rwihishwa. Yari yizeye ko izi nzandiko zizasomwa kandi zigasobanuka muri ubwo buryo bw'ukwera n'ubunyangamugayo—bivuga ko zanditswe kubera urukundo abafitiye no kubashakira ineza gusa (2 Abakorinto 1:13–14).

We n'abo bari kumwe bavugaga nta kwihenda ko imyitwarire ye yari iyera kandi itariho umugayo [itunganye], haba mu itorero ndetse no hanze yaryo.



KUGENDERA MU BWENGE

"Ariko Imana ni yo ntanze ho umugabo ku bugingo bwanjye, yuko icyatumye ntongera kuza i Korinto ari ukubababarira"
(2 Abakorinto 1:23)

Mu rwandiko rwa Pwulo rwa mbere, yabwiye Abakorinto inzira yateganyaga kunyuramo (1 Abakorinto 16:5–11):

Efeso

Makedoniya

Korinto

Yudeya

Mu rwandiko yanditse nyuma (rwatakaye, 2 Abakorinto 7:8) yababwiye kuzabasura kabiri (2 Abakorinto 1:15–16):

Efeso

Korinto


Makedoniya

Korinto

Yudeya

Ariko, yaje guhindura gahunda ze maze yanzura kutabasura kuri iriya nshuro ya mbere (2 Abakorinto 1:23). Izi mpinduka zatumye bamwe bamunenga kuba umuntu uhindagurika kandi utaguma hamwe. Kuki yahinduye igitekerezo cye?

Kuba i Korinto kwa Pawulo byasaga n'aho ari ngombwa kubera ibibazo byari bihari. Ariko kubera urukundo rwinshi yari abafitiye, yashatse kwirinda kurwanywa yashoboraga kuhabonera (2 Abakorinto 2:1–4).



KUBABARIRWA NO GUKOMORERWA

"Ariko uwo mugira icyo mubabarira nanjye mba nkimubabariye, kuko nanjye ubwanjye iyo hari uwo ngize icyo mbabarira, nkimubabarira ku bwanyu imbere ya Kristo" (2 Abakorinto 2:10)

Ubwo Pawulo yari mu nzira ajya i Tirowa, Tito yagiye i Korinto. Pawulo avuye i Tirowa, yagiye i Makedoniya. Ariko yari afite agahinda kenshi kuko atari yahuriye na Tito i Tirowa ngo amubwire amakuru y'itorero ry'i Korinto (2 Abakorinto 2:12–13).

Nyuma gato, Tito yaje guhurira na Pawulo i Makedoniya. Yamubwiye uburyo itorero ryakiriye neza inama z'intumwa (2 Abakorinto 7:5–9, 13–16).



Kimwe mu bibazo bari bakeneye ko abakemurira ni ikibazo cyari kijyanye n'igihano cy'itorero. Mu kumvira intumwa, abari barakosheje bari baramaze gucyahwa, kandi abo bari baremeye uko gucyaha. Ubu noneho, Pawulo abasaba gutera intambwe irenzeho: kubababarira no kubakomorera (2 Abakorinto 2:5–11).

IMPUMURO YA KRISTO

“kuko turi impumuro nziza ya Kristo ku Mana hagati y’abakira n’abarimbuka” (2 Abakorinto 2:15)



Pawulo avuga ku kuntu Imana “yakinguye urugi” kugira ngo ubutumwa bwiza bubwirizwe i Tirowa, arangurura ijwi ry’ishimwe no kunesha ati: “Ariko Imana ishimwe kuko ihora iturangaje imbere, ikaduha kuneshereza muri Kristo no gukwiza hose impumuro nziza yo kuyimenya” (2 Abakorinto 2:14).

Nk’impumuro itāma hose, kumenya Kristo kugera kuri buri muntu. Ku Bakorinto, nk’uko bimeze kuri twe, iyi mpumuro ni iy’ubugingo buhoraho. Ariko, ku banze irarika, ni impumuro y’urupfu (2 Abakorinto 2:15–16).



Pawulo yibanda ku nshingano ibi bitanga, asobanura ko ubutumwa bugomba gutangwa mu buryo buvuye ku mutima, nta gushaka inyungu bwite, ahubwo kubwo gushaka agakiza k’ababwumva (2 Abakorinto 2:17).



“Iyi ntumwa y’indahemuka yazanye inkuru inejeje ko hari uguhinduka gutangaje kwari kwarabaye mu bizera b’i Korinto. Benshi bari baremeye inama zari mu rwandiko rwa Pawulo kandi bari barihanye ibyaha byabo. Imibereho yabo ntiyari ikiri igisebo ku Bukristo, ahubwo yari yaragize uruhare runini mu gutuma habaho kubaha Imana. [...]

Uko kwihana kuzanwa mu mutima n’ubuntu mvajuru, kuzatuma habaho kwicuza icyaha no kukireka. Izo ni zo mbuto intumwa yavuze ko zari zarabonetse mu mibereho y’abizera b’i Korinto.